



ДИҚҚАТ: ЯНГИ РУКН

«Постда» рўзномасига келаётган айрим хатларда бедарак йўқолганлар ҳақида эълон берилди-ю, ammo уларнинг топилган-топилмагани ҳақида лом-ним айтилмайди, дейилган эътирозлар учрайди. Муштарийлар қидирилла-

ётганларнинг кейинги тақдирини ҳусусида қизиқиш билдирмоқдалар. Биз бунини ҳисобга олиб, «Бедарак йўқолганнинг тақдирини» номли руқнни очдик. Қуйида биринчи материал билан танишасиз.

БЕДАРАК ЙЎҚОЛГАННИНГ ТАҚДИРИ

1991 йилнинг 7 январида Тошкент шаҳридаги Ленин тумани ИИБга мурожаат қилган киши Будённий кўчасида яшовчи укаси Рафиқ Каримов йўқолганини билдирди.

Қидирув ишларини олиб борган милиция катта лейтенанти Х. Қўлдошевнинг

ҳаракатлари зое кетди. Апрель ойида Фрунзе тумани ИИБдан тушган хужжатга кўз югуртираркан, калаванинг учини топгандай бўлди.

Хужжатда Салор ариғидан мурда топилгани ва унинг алоҳида белгилари ҳақида маълумотлар берилганди. Зудлик билан

бўлимга Р. Каримовнинг акаси чақиртирилди. У укасининг кийимларини таниди.

— Мунис кўчасида яшовчи фуқародан 21 ёшли қизи йўқолганлиги ҳақида ариза тушди, — дейди Х. Қўлдошев. — «Бедарак йў-

қолган» Сайёрани 2 ой деганда Фитрат кўчасидаги хонадонларнинг биридан топдик. Маълум бўлишча, ҳеч ким уни қўл-оёғини боғлаб олиб кетмаган. Суюқоёқлар тўпланадиган хонадонга у ўз ихтиёри билан келиб, айшини суриб ётган экан.

Чилонзор туманида яшовчи 17 ёшли Ирина ҳам кўчага чиққан у қайтиб келмаган. Милиция ходимлари Ирнининг таниш-билишларини суриштирди. Аниқланишча, қизни йигити Домбирободда яшовчи опасининг уйига яшириб қўйибди.

М. СУФИ.

СУРАГАН ЭДИНГИЗ

ҚАЙТА ТАЙИНЛАНАДИ

Муҳарририятимизга мактуб йўллаган Т. Усмонов ҳарбий хизматчиларга нафақа тайинлашдаги ўзгаришлар ҳақида маълумот беришимизни сўраганди.

Жумҳурият ИИБнинг молия-режамаштириш бошқармаси бошлиғи ўринбосари ички хизмат подполковниги Ш. Исоққўжаев бу хусусда қуйидагиларни билдирди:

Ўзбекистон меҳнат вазирлигининг 1992 йил 29 январдаги 1/4 сонли қарорига биноан ИИБ томонидан нафақа олаётганларга 1992 йил 1 январидан кўпайтирилган маошлар асосида нафақа қайта тайинланади.

«Ҳарбий хизматчиларга нафақа тайинлаш» тўғрисидаги қонунга асосан ички ишлар идораларида 20 йил хизмат қилганларга ойлик маошининг 40 фоизи миқдориде нафақа берилади, 20 йилдан ортиқ хизмат қилган ҳар йилга 3 фоиздан кўшилади. Лекин нафақа миқдори қўшимчалар билан ойлик маошнинг 75 фоизидан ошмаслиги керак.

ҲУШЁР ТУНГИ ПОСБОНЛАР

Қўқон шаҳрининг Алишер Навоий даҳасида айланиб юрган милиция ходимлари Х. Расулов, Х. Сулаймонов, А. Холиқов, М. Бекмуродовларнинг қўлоқларига тўсатдан қандайдир тақир-туқур овозлар чалинди. Ярим тун бўлса, ким машина тузатаётган бўлиши мумкин! Шундай ажабланиш билан улар товуш чиқаётган ерга яқин-

лаша бошлашди. Қарашса, аҳвол бошқачароқ. Уч номаълум шарпа шу ерда турган машинанинг баллонини ечишяпти. Гап нимадалигини тушунган милиционерлар дарҳол уйини айланиб ўтиб, ўғрилари воқеа жойида қўлга туширишга қарор қилдилар.

Тўрт азаматни сезиб қолган ўғрилар ечган баллонларини ташлаб, тум-тарақай қоча бошлашди. Шу чоқнинг ўзидаёқ уларнинг икитаси қўлга тушди. Тонгга яқин эса учала ўғри ҳам ИИБ биносиде ўтирарди.

А. ГАНИЕВ.

Жасорат



Фойдали мулоқот

Бугун ҳам ўқув хоналарида, ишлаб чиқариш устаноналарида ҳаёт қайнайди. «Мулоқот» клубида турли мавзуларда суҳбатлар, учрашувлар, кечалар ўтказилмоқда.

Кунини кеча вилоят прокурори А. Аҳмедов, вояга етмаганлар билан ишлаш бўлими бошлиғи У. Бакиров ва бошқалар билан қизиқарли суҳбат уюштирилди.

Бўлажак ҳунар эгалари қонунчилик хусусидаги ҳуқуқий билимларини ошириш билан бирга, ҳозирги кунда жиноятчиликнинг олдини олиш борасида қилинаётган ишлардан хабардор бўлдилар.

Талабалар томонидан ҳуқуқ-тартибот ходимларига берилган кўплаб саволлар бундай учрашувларнинг зарурлигини яна бир бор кўрсатди.

М. БОЛТАБОЕВ.

Утган йилнинг май ойлари. Задарё тумани «Ильич» давлат хўжалиги кассаси ёнида турган аёл ҳам маош берилишини кутмоқда.

Шу пайт раҳбарлардан бири кассирга юзланди.

— Қанча олдинг?
— 35 минг.
— Тарқатасанми?
— Эртага тарқатарман. Чарчадим.

Сўнг маош олгани келганларга пул эртадан берилишини айтиб огоҳлантирди. Аёл кассир то пулларни темир сандиққа жойлаб қўлфлагунча қараб турди.

У уйига кирганда хона тўрида бир неча танишлар айш-ишрат қилиб ўтиришарди.

— Менга ҳам қуйинглар, — деди у ароққа имо қилиб.
— Пулингга олиб ич. Алиментингни олиб келясан-ку.

— Эртага бераркан. Қарзга юз грамм қуйинглар, — ёлворди аёл.

— Кассир қанча пул олибди?

— Уттиз беш минг. Ўз кўзим билан кўрдим. Темир сандиққа жойлаб қўйдим.

— Қани хона қандай жойлашганини чиз-чи... Хуш... Дима ҳозирлан. «Чўлоқ», аппаратингни ол. Жунадик.

Тунги соат 4 дан 20 дақиқа ўтганда Задарё тумани ИИБ навбатчиси ташвишли хабар олди. Маълумот зудлик билан бўлим бошлиғи Т. Аҳмадалиевга

етказилди.

— Оператив гуруҳ тезда ҳодиса жойига жўнасин. Мен шифохонага бораман.

Т. Аҳмадалиев уч дақиқада касалхонага етиб келди.

Операцияга кириб кетаётган жарроҳ оғир аҳволдаги жабрланувчи билан бир дақиқагина гаплашишга рухсат берди.

Тоҳиржон замбилда ётган жабрланувчига яқинлашганда, у кўзини очди. Оқ халат остида милиция формасини кўриб, фаҳмлади шекилли:

— «Запорожец»... Қуролли, эҳтиёт бўлинг... Тайёр... Кассага... ишга киришдик... — дедию ҳушидан кетди.

— Раҳмат, биродар. Тоҳиржон жарроҳга ҳам миннатдорчилик билдириб, қўшимча қилди.

— Агарда жабрланувчига қон керак бўлса, бизга хабар беринг, ёрдамлашамиз.

Ташқарида жабрланувчини олиб келган киши кўтарди.

— Сиз ҳайдовчимисиз?
— Йўқ, мен қоровулман. Зокиржон Маҳмудовман. Ҳайдовчи Ҳошимбой Исоқов у ёқда, — деди касалхонани кўрсатиб. — Ўзининг машинасида олиб келдим. Қаранг, ҳамма ёғи қон... Тиррик қоладими? — умидворлик билан сўради у.

— Албатта. Сиз машина ҳайдашни биласизми?

— Билмайман. Ҳайдовчининг ўзи ўргатиб келди.

— Бу жасорат-ку... Дарҳақиқат, бу қаҳрамонлик эди.

Уша кунини Наташадан пул ҳақида маълумот олган йиртқишлар йўлга тушишди. Идорага етиб келгач, қоровулнинг ухлаб ётганини кўришди. Уни уйғотиб, пешонасига тўппонча тираб, хонада яна кимлар борлигини сўрадилар.

— Тепада... ҳай-ҳайдовчи бор, — деди у қўрққанидан.

Қоровулни кўрпасига ўраб боғладиларда, юқорига кўтарилидилар.

Ҳошим ҳам уйқуда эди. Босқинчилар аста келиб, унга қоплондек ташланишиб, бўга бошлашди. Бироқ табиатан соғлом, жисмонан бақувват Ҳошим эсан-кираб қолмаган. Жиноятчиларнинг икки нафари билан олишиб, уларни улоқтириб юборди. Бироқ учинчиси номардларча орқасидан яқинлашиб унга пичоқ санчади. 6 марта пичоқ ургач, Ҳошимбой йиқилган.

Ваҳшийлар унинг тепасига келиб, кўздан кечиртиришди.

— Тайёр. Тез кассага. Ишга киришдик.

Улар довурақ йигитни ўлди, деб ўйлашганди.

Бир оздан сўнг улов двигателининг овозини эшитган Ҳошим куч тўплаб, қўлоқ солди. Ҳа, адашмапти «Запорожец» машинаси. Демак улар кетишди.

Ҳошим аста эмаклаб, сурилла-сурилла пиллапояларни қонига бўяб, пастга туша бошлади. Амаллаб қоровулни озод қилди. Умрида улов рулини ушламаган қоровулга ўргатиб, 40 дақиқа деганда шифохонага етиб келишди.

Оператив гуруҳ ходимлари идоранинг иккинчи қаватида қон халқобини кўрдилар. Улар ҳали Ҳошимбой Исоқовнинг кўрсатган жасоратидан беҳабар эдилар.

Ходимларнинг бири шу яқин ўртадаги анҳорда балиқ овлаб ўтирган кишини учратди.

— Хув, анови гол тагида «Запорожец» узоқ вақт турди. Қизил жемперли рус аёлн машинадан тушиб чиқиб турганди. Бошқа ҳеч нарса кўрмадим.

Аниқлиқни шу тунда Сирдарё соҳилидаги постда навбатчилик қилган милиция сержанти М. Абдумажидов киритди.

— Мен фаолларимиздан бири Т. Салоҳитдинов билан постда эдим. Соат тунги 4 лардан ўтганда Жомашўй томондан катта тезликда келаётган уловга тўхташ ишорасини кўрсатдим. У бироз секинлагандай бўлди. Бироқ бизга яқинлашгач, бирдан тезликни ошириб, гойиб бўлди. Мана ёзиб қўйганман, кул ранг «Запорожец», рақами 14-59 НАВ.

Терговчи милиция майори А. Турдиев вилоят ДАНБ билан боғланди. Милиция сержанти А. Фозилонини олиб, улов эгаси яшайдиган Наманган шаҳрига юзланди.

— Ўғлингиз қаерда? — деди у эшикни очган аёлдан.

— Қаердалигини билмайман. Соат 5 ларда машинасини ювиб, қайтиб чиқиб кетган.

Машина «чўмилирилган» бўлсада, двигателдан иссиқ уфуриб турарди.

— Ўғлингизни хонасини кўрсанг.

Унинг ечилган кийимларидан қон излари, кўйлагидеги доғлар текшириш учун олинди.

ЕДНОМА

РУҲИ ШОД БЎЛГАНДИР

Шу кунларда Жамол аканинг руҳи шод бўлгандир. Яқинлари ва уни таниган барча одамларнинг эса хурсандлиги аниқ. Негаки туман ижроия қўмитасининг қарорига асосан Красногвардейск шаҳрининг у киши яшаб ўтган ва ҳозир фарзандлари истиқомат қилишадиган Энгельс кўчаси Жамол Оқбоев номи билан аталадиган бўлди.

— Қадриятларимиз тикланаётганлиги, миллий урф-одатларимизга амал қилина бошлаганлиги, тилимизга давлат мақоми берилганлиги, байрамларимиз эркин нишонланаётганлиги, марҳумлар ёдга олинди, номлари абадийлаштирилиб, руҳлари шод этилаётганлиги жуда яхши бўляптида. — дейди туман фахрийлар Кенгаши раиси Қўнғирбой ака Уролов. — Мен яқинда Жамол аканинг номи абадийлаштирилганлигидан гоят хурсанд бўлдим. Ички ишлар бўлимида кўп йиллар бирга ишлаганмиз. У кишини жамоамиз ҳам, бошқалар ҳам дилдан ҳурмат қилишарди. Сабаби Жамол Оқбоев хизмат вазифасини сидқидилдан бажариш билан бирга жуда оққўнғил, камтарин, хушмуомала одам эди. Мен яна шунга хурсандманки, фарзандларидан уч нафари отасининг иштини давом эттиряпти. Жамол Оқбоев вилоят ички ишлар бошқармасида масъул ходим. Жалол Оқбоев туманимиз ички ишлар бўлими бошлигининг ўринбосари, Баҳриддин Оқбоев Жомбой тумани ички ишлар бўлимининг жиноят қидирув бўлини маси оператив вакили. Учласи ҳам отасидек ишчан, камтар, одобли йигитлар. Жамол аканинг бошқа фарзандлари ҳам ана шундай қобил.

— Жамол акани мен туман партия қўмитасининг котиби бўлиб ишлаб юрган пайтларимдан яхши биларман, — дейди туман газлаштириш идорасининг бошлиғи Л. Сувоңқулов. — Уша пайтларда у кишини туман ички ишлар бўлимининг энг ишчан ходимларидан бири, қалби пок инсон сифатида ҳам ҳурмат қилардим.

Жамол акани таниган қайси киши билан суҳбатлашманг, марҳум ҳақида ана шундай илиқ гапларни эшитасиз.

Ж. Оқбоевнинг таржиман ҳоли билан танишган кишиларда ҳам яхши тасаввур пайдо бўлади. 1922 йилда туманимиздаги Оққовун қишлоғида таваллуд топган Жамол ака 1939 йилда ҳисобчи бўлиб иш бошлаган. 1943 йилда аскарликка олинган. Армияда ҳам нақд олти йил — 1949 йилнинг февраль ойигача хизмат қилади. Галаба билан қайтган жангчи йигит илгариги касбини ўзгартиради, туман ички ишлар бўлимига ишга киради. Оддий милиционерликдан иш бошлаб, зобитлик даражасига кўтарилди. Участка вакили, терговчи, жиноят қидирув бўлини маси катта вакили, БХСС катта вакили вазифаларида фаолият кўрсатди. Аскарликдан бир неча жанговар нишонлар тақиб келган Ж. Оқбоев Ўзбекистон Олий Кенгашининг Фахрий Ерлигини олишга ҳам муяссар бўлади. У кишининг номи Самарқанд вилояти ички ишлар бошқармасининг «Фахрий китоби»га ҳам киритилган.

Руҳингиз доим шод бўлсин, Жамол ака!

Ўлдош ОТАМУРДОВ.

ТАКЛИФИМ БОР

ОДДИЙ МИЛИЦИОНЕРЛИКДАН БОШЛАСИН

Биз энди мустақил жумҳуриятда яшаб, хизмат қиламиз. Қардош Украина давлати ўз армиясига эга ва унга халқимни ҳимоя қиламан, деб қайтадан қасам ичирмоқда. Вақт келадики, бизнинг ҳам ўз армиямиз бўлади. Уғилларимиз, набираларимиз Ота юрти, халқи ҳимояси учун онт ичиб, содиқлик билан хизмат қиладилар.

Биз ички ишлар ходимлари муқаддам СССР, унинг халқлари учун қасамёд қилган эдик. Энди ўз давлатимиз

бор, қасамёдни ҳам аниқлаштириш вақти келди.

Яна бир фикрим, жумҳурият ички ишлар идораларида каттама, кичикми, қанақа бўлишдан қатъий назар, раҳбар лавозимларига ички ишларда чиниққан, ҳаётини шу ишга бағишлаганларни тайинлаш даркор. Кўчадан келаётганлар эса қўлларидан келган ишни қилишса. Агар жуда милицияда ишлаш хоҳиши бўлса, ана, оддий милиционерликдан бошласинлар.

Н. МАМАЖОНОВ, милиция майори.

Шоҳқўча. Унинг ҳийла сербар ярим чақиримча қисми дазмоллаб қўйилгандек текис. Йўлнинг қоң ўртасидаги чизик сутранг йўрмага ўхшайди. Унгу сўлдаги силлиқ қора тасмадай пиёдалар йўлкасидан юриб келган ўқувчию ўқитувчилар рўпарадаги мактабга «белбоғчалар» орқали ўтиб боришади. Йўлни бира-тўла кўпчилик кесиб ўтаётган бўлса, милиция формасидаги киши ё билагиди қизил боғичли ўқувчи ишораси билан ҳар қандай улов бирпас тўхтади.

Ха, Яйпан-Қўқон йўлида — Даштқишлоқдаги На-

бўлими БЕИНда оддий инспектор вазифасида ишлади. Педагогика илмгоҳида сирдан ўқиди. Уйланди. Келаси йили Тошкентдаги Сирғали йўлдош-шаҳарчасида малака ошириш курсини тугатаркан, дўстлари уни бир йўла кичик лейтенант унвони ва Абдурахим исмли тўнғич ўғли туғилгани билан табриклашди. 1980 йилда эса Облоберди милиция лейтенанти унвонини олди, илмгоҳни муваффақиятли битирди ва яна бир фарзандли бўлди. Хизматни ўз туманида ўтай бошлади. Ҳаловатидан елиб-югурдиси, куйди-пишдиси кўп. Унинг ҳу-

алларни судгача тайёрлаш мажбуриятини бекам-кўст бажарди.

Шубҳасиз, суд учала ўсмирни балоғат ёшига етмаганлигини инобатга олди. Муайян моддаларга мувофиқ, ҳар қайсисини 2 йилдан озодликдан маҳрум этиш тўғрисидаги ҳукм ижроси кечитирилди. Бироқ Облоберди яхши биладик, қамишни бўш ушласанг, қўлни қияди. У ана шу ёшлар қадамини асти кўздан қочирмади, узлуксиз текширишни қанда қилмади. Учови ҳам ўрта мактабни битиргач, рисоладагидек ишлаб, бошқа билимгоҳларда

ҲАЁТНИНГ ШОҲҚЎЧАСИДА

воий номи билан аталган мактаб қаршисида ана шундай тартиб барқарор. Бу манзара ҳафтасига олти кун ҳар тонгда такрорланади.

Балоғатга етмаганлар билан ишлаш назорияти (БЕИН) катта инспектори Облоберди Акбаровга бирки-тилган Охунбобоев, Ражабгарди қишлоқ Кенгашлари ҳудудидаги кўпчилик билим даргоҳларида автомайдонча, тўгараклар, ўқув хоналари, ёш автоназоратчи гуруҳлари ва постлари ишлаб турибди. Вақтида «Светофор» мусобақалари ўтказил-япти. Малакали ўқитувчилар ДАН ходимлари билан баҳамжиҳат ўқувчилар ўртасида суҳбатлар уюштиришади. Шу йўсин кўнгилсиз йўл-улов ҳодисаларининг пайи қирқилаётир.

Облоберди Акбаров зиммасига 20 дан ортиқ қишлоқдаги ўн мингдан зиёд ўғил-қиз орасида жиноятга етакловчи ҳар қандай ҳатти-ҳаракатнинг олдини олиш вазифаси юклаган. Ўсмирлар ўртасида ноҳўя бирор ҳол юз бердими, уни ҳисобга олиш, хатосига иқдор қилдириш, хатарли йўлдан қайтариш шарт. Бу ҳали кифоя эмас. Инспекторнинг ўзи болага айланиши, ўша термизакларнинг дардидунёси, ўй-хаёллари, орзумидлари билан яшай билиши ҳам керак. Шу маънода ҳар бир бола фақат ота-онасининг эмас, Облобердининг ҳам юрагига илдиэ отган ниҳолдир. Бунга эса ҳамма ҳам қодир эмас.

Акбарали ота Маликовнинг шу нуридийдаси милицияга ишга ўтаркан, ҳеч ким: «Епирай, қарқуноқдан булбул чиқарканда энди», — деб ҳайратлангани йўқ. Ундаги болажонликини, оналари Инобатхон ая айтмоқчи «зақунчилик»на мойилликини шу соҳага чорак асрлик хизмати синган тоғаси Баҳромов ҳаммадан бурун пайқаганди. Тоғасининг маслаҳати билан у ишни пастроқ погонадан бошлади. Маълумоти тўлиқсиз олий эмасми, Акбаров 1977 йил октябридан Фарғона шаҳар ички ишлар



ҳудудида ўқини ва юриш-туриши бийонидек ўсмирлар кўп. Аммо турфа хулқли шумтакалар ҳам озмунча эмас-да.

Жорий йилнинг ўтган кунларида тақдимнома бўйича фарзандларининг қилмишлари учун 22 нафар ота-онага чора кўрилди. Ансарият онлаларда тарбия пойдеворига омонат қўйилаётган гишт панд бераяпти. Оғзидан сути кетмаган қонунбузарлар орасида харидоргир молларнинг бирини ўнга пуллаётган «шоввозлардан тортиб, қўшнисининг товуғини ўмарган «паррандашунос»лар, текинига ўч «велосипедпараст»лару қотилликка қўл урувчиларгача учрайди.

Бурноғи йилларда Акбаров жавобгарлигидаги ҳудудда ҳам хунук ҳодисалар рўй берганди. Ҳаёт кечириш оғирлиги ўйнаб-қулишга ишқибоз айрим ёшларни йўлдан тويدирди. Шу депарадаги 16, 17, 39-мактабларнинг Тўлқин, Мирзоҳид, Ғайрат исмли ўқувчилари хонадондан пул, магнитофон ўғирлаб ва бировнинг мотоциклда сайр қилиб юрганда қўлга тушдилар... Облоберди табиятан оғирвазмин, очик ва хушмуомалалигига қарамай, кўнгилчанлик қилмади. Зеро, замонанинг зайли мурғак қалбнинг маънавий таназзулга мойиллик билдиришига асос бўлолмайди. Инспектор суриштирув ўтказиб, матери-

қўиб юришибди.

Иккала қишлоқ Шўроси бўйича назориятда ҳисобга олинган яна 13 нафар ўқувчига келсак, майда-чуйда номаъқулчиликларни бас қилиб, улар ҳам ўқишда, одохлақда синфдошларига тенглашиб олишди. Кейинги йил 16 та қишлоқда, 14 та умумтаълим мактабида балоғатга етмаганлар томонидан, илоё кўз тегмасин, бирорта ҳам тартибузарлик юз бермади. Бунда жамоатчи мураббийлар, маҳалла-қўйнинг ҳам таъсири бор.

Қўл билсанг ҳам, қўндан ортиқ билмайсан, деганларидек, Облоберди одамларга таянади. Уззукун болалар назоратсизлигининг олдини олишда умумкуч-ғайратини бирлаштиришни ўйлаб куйманади. У ҳали қирқон кирмабди. Яна бир унвон соҳиби бўлганини кўни кеча эшитдик. Майор, Аммо афтидан бу ҳам чегара эмас. Негаки ҳаётнинг шоҳқўчасига у эндигина чиқиб олди. Ҳали олдинда ишлар бисёр. Интилганга толе ёр. Дунёда ахир генерал бўлишни орзу қилмаган солдат борми?!

Эркин ОТАБОВ, райинжорқўм ходими. Тўхтасин МИРЗАРАҲМАТОВ, милиция капитани. Ўзбекистон тумани.

СУРАТДА: БЕИН катта инспектори милиция майори О. Акбаров болалар билан суҳбатлашмоқда.

ҲОЛВАНИ ҲОКИМ ЕЙДИМИ

ёки балога милиционер қолаверадими?

Гапнинг очигини айтсам, ушбу мақолани ёзсамми, йўқми, деган савол мени қарийб ўн кундан бери қийнайдди, ниҳоят ёзишга қарор қилдим. Тинччини бузган нарса шу кунларда барчанинг оғзидидаги гап — 16-17 январь кунлари Тошкентда бўлиб ўтган оммавий тартибсизликлар. Узкўзим билан кўрганим йўқ, лекин рўзномаларда ва бошқа ахборот воситаларида барча фожиаларга бош айбдор қилиб ОМОНчилар ва милиционерлар кўрсатилмоқда.

Йўқ, асло бундай эмас, мен бунга ишонмайман, милиция асло ўз халқига қарата ўқ отмайди. Бунини мен мустақил жумҳуриятимизга ва унинг осойишталигини таъминлаб, кечаю кундуз хизмат қилаётган милиционерларга зарба бериш йўли билан давлатни заифлаштиришга эришиш мақсадидаги бир тўда ғалемсларнинг қилмиши, деб ҳисоблайман. Мен ички ишлар ходимларини

оқламоқчи эмасман, гап шундаки, ўзини халқ ғамхўри, деб ҳисоблаган, бўлиб ўтаётган воқеаларни ноҳолис ёритаётган рўзномалар мухбирларининг қилган ишлари халқ билан унинг побони ўртасига совуқлик туширади. Уларга ўзи ким ҳуқуқ бердики, ҳали давлат комиссияси бир хулосага келмай туриб, ўзларича барча воқеаларда ички ишлар ходимларини айбдор, деб жар солишга? Милицияга осон тутган ва уларни айбдор, деб ёзганлар, халқни ғаразли мақсадда чалғитаётган бошқа арбоблар нима учун бу фожиаларнинг олдини олиб қолишолмади?..

Тоқайгача милиция тинчликни сақлайман, деб икки ўтининг ўртасида куйиб қолавер-

ради? Нега бало милиция бошига тушаверади? Етар энди бундай адолатсизликлар. Фарғона, Паркент воқеаларида ҳам улар айбдор бўлиб қолдилар. Қачон дўппи тор келиб қолганида, «тревога» билан бизни кўтаришади. Хурматли туман ва вилоят раҳбарлари тўполон ва ур-йиқитлар тинчиб кетгандан сўнг ҳамма нарсада бизни айблаб, устимиздан комиссия тузиб, йиллаб текширишади. Энди бундан бўёғига митинг ва бошқа оммавий чиқишларга милицияни жалб қилиш фақат халқ сайлаб қўйган Президентнинг ошқора қарори билан амалга оширилиши керак. Акс ҳолда натижасиз текширишлар бўлаверади.

Яна битта масалага эътиборни қаратмоқчиман. Жум-

ҳуриятда митинглар ва бошқа оммавий чиқишларни тартибга солувчи ва назорат қилувчи комиссия тузиш зарур, деб ҳисоблайман, чунки содир этилаётган барча фожиалар митингбозлик туфайли келиб чиқмоқда.

Республика Президентининг Фармонида асосан вилоят ва туманларга ҳокимлар тайинланмоқда. Уйлайманки ҳокимликка яна ўша собиқ партия саркотиблари, Кенгаш раисларини тайинламасдан, янгича фикрлайдиган кишиларни сайлаш мақсадга мувофиқдир, чунки ўтмишдаги ва ҳозирги раҳбарлик одатларига ўрганиб қолганларнинг лавозими номини ўзгартириб қўйган билан бари бир ҳеч нарса янгиланмайди. Яна шунини айтиш керакки, билишимча

ҳокимлар жойлардаги барча ўзига қарашли ташкилот, муассаса ва корхона раҳбарларини тайинлаш ҳуқуқига эга. Бу яхши, лекин ички ишлар бўлими бошлиқларини бундан мустасно қилиш керак, деб ҳисоблайман, фақат қонунгина бўйсунадиган қилиб қўйиш керак уларни. Шундагина милиционерлар бўлар-бўлмас ишларга жалб қилинмайди. Узининг белгилаб қўйилган вазифасини бажаришга қулай имконият вужудга келади.

Ҳа, яна бир бор айтиб ўтаман: биз кимнинг бўйруғига асосан у ёки бу туман ва шаҳарга содир бўлиши мумкин бўлган тартибсизликларнинг олдини олишга сафарбар қилинаётганимизни билишимиз шарт, акс ҳолда икки томондан таъна тошлари остида қолаверамиз!

Эмижон ОБИДОВ, милиция капитани. Фарғона вилояти.

РўЗНОМАСЕВАР МУЛОҲАЗА ЮРИТАДИ

«ҚОҒОЗБОЗЛИКНИ ЙЎҚ КЎРГАЛИ КЎЗИМ...»

Айтмоқчи бўлаётган мавзунинг қуйида бошласам. Жамиятда ҳаёт кечираётган фуқаро учун туғилганлиги тўғрисида гувоҳнома, сўнг паспорт — шахсининг тасдиқловчи ҳуқуқий ҳужжат жорий қилинган. Лекин паспорт тизими расмий-маъмурий ҳуқуқ билан тан олинсада, қоғозбозлик дунёсида сариқ чақа.

Шуниси ажабланарлики, паспорт билан шахсингиз ойнадек аниқ бўлса ҳам, давлат идораси ишонч учун вақтинчалик маълумотнома билан гувоҳлик беради.

Ўқишга ҳужжат топириш учун маълумотнома, ишга кирсангиз маълумотнома. Яна яшаш жойингизнинг ҳисобда турувчи қисмининг ҳам кўздан кечириб оладилар. Маълумотнома шунчалар зарур экан, унда фуқаро паспорти нима учун?

Ҳуқуқшунос кўзи билан назар солсак, паспорт ҳеч қандай қоғозсиз тан олиниши керак.

Бу ҳол дўшмини олиб, мана бошим, дегувчи кулгили ўжарликка ўхшаб кетади.

Элимизда тома-тома кўл бўлур, деган мақол бор. Уша маълумотномани бериш учун қоғозга тўланган пуллар жумҳурият бўйича ҳисобланса борми?

Яқинда қишлоқ Кенгашининг котиби билан суҳбатлашдим. Унинг тахминий ҳисобича, йилда уч минг сўмдан ошиқ пулни уша маълумотнома деб аталмиш қоғозларга сарфлаб юборилар экан. Энди қолганини хомчўт қилсак, юрагимиз хаста бўлиб қолиши мумкин.

Агарда ҳуқуқшунослик бу борада илдам қадамлар ташлаганида эди, уша қишлоқ Кенгашилари пулларини арзимас қоғозга эмас, йил давомида биямай қолган боғчаларга ёки меҳрли, савобли ишларга сарфлаган бўлармидилар? Маъмурий идоралар ҳам боши айланмасдан элга сикқидилдан хизмат қиларди.

Нишон МЕЛИЕВ, Жомбой тумани.

(Давоми. Боши 1-бетда).

Уй атрофида пистирма қўйилди. Кеч соат 4 ларда Дима гирт маст ҳолда ташриф бурди.

Тергов ҳаракатлари калаванинг учини тарта бошладди. Дима ўша кунини рулда бўлганини тан олди. Лекин аёлнинг исмининг «Маша» деб терговни чалғитмоқчи эди.

Вилоят ИИБ ЖҚБ бошлиғи милиция подполковниги Туробжон Отахўжаев ишга астойдил киришди. Олиб борилган суриштирувлар ўша кунини алимент олгани борган аёлнинг Наташалигини, у Тўрақўрғон тумани ИИБда пол ювувчи эканлигини аниқлади. Унинг тунги босқинчиликка дахлдорлигига гумон қолмагач, жиноятчилар гуруҳини қўлга тушириш режаси ишлаб чиқилди.

— Тўрақўрғон тумани ИИБга жуда кўп оператив ходимлар йиғилишганда ўшанда, — деб эслайди Акрамжон Турдиев. — Улардан ҳам раҳбарлар кўп. Ҳамма кўрсатма беради. Бироқ қўлга олишга мен ва юрагида ўти бор Туробжон ака Отахўжаев бордик.

Улар аста эшикни тақиллатишди.

— Ким? — ичкаридан аёл овоз берди.

— Мен участка инспекториман. Паспорт режимини текширгани келдим.

— Эрим ташқаридан қўлғаб кетган.

Ходимларга шу керак эди. Негаки улар бир оздан сўнг аёлнинг «разведка» қилгани ташқарига чиқишини билишарди.

Шундай бўлди ҳам. Аёл челақ кўтариб кўчага чиқди. Теварак-атрофга бежо алавларкан, ахлат тўққандай бўлди. Аммо уйга челақ билан Акрам ва Туробжонлар киришди. Киришдию шкафа узатилган қўлни эпчиллик билан исканжага олишди. У ерда 14 донга ўқи билан отишга шай тўппонча турарди.

Жасорат



Бу шахс Николай бўлиб, унинг қўлга қўнганидан 50-100 сўмлик, жами 600 сўм пул чиқди. Тинтув давомида кассадан ўмарилган 6 минг сўм пул топилди.

Экспертиза хулосалари пуллар «Ильич» давлат хўжалигига берилганлигини тасдиқлади. Терговда пул сақланган темир сандиқнинг пайвандлаш ускунаси билан қиздирилиб очилгани маълум бўлди. Энди ходимларга пайвандчини аниқлаш зарур эди.

Қидирув ва тергов ходимлари жиноятчиларнинг бу шеригини топишда ҳам маҳорат кўрсатишди. У Совет тўрғонидан жойлашган ётоқхоналарнинг бирида яшаркан, Хонаси қайта-қайта тинтув қилинди. Бирон бир ашёвий далилсиз айбини ишботлашнинг ўзи бўлмайдида. Аммо ҳадеганда тилсиз гувоҳ топилавермади. Бироқ ходимлар қилни қирқ ёрадиган жиноятчининг сирини фош этдилар. Пахтаси орасига усталик билан беркитилган ва худди ўзидай қайта тикиб қўйилган кўрпанинг ичидан 1000 сўм пул олинди.

Николай, Дима, Виктор, Наташа ва Светалардан иборат жиний гуруҳ фаолиятига барҳам берилди. Улар ўғирлаган 9 мингдан ортиқ пул «Ильич» давлат хўжалигига қайтарилди. Маълум бўлишича, ўша кунини кассир аёл кўпчиликнинг илтимосига кўра пул гарқатгани учун 9 минг сўмгина

қолган экан.

Тергов давомида ушбу тўданинг икки йил муқаддам Тўрақўрғон марказий шифохонасидан ҳам 35 минг сўм ўмаргани тасдиқланди. Биргина бу эмас. Улар Россиянинг бир неча вилоятларида ҳам шунга ўхшаш жиноятларни «силикқина» бажаришгани аниқланди.

Улар юқоридаги жиноятга қўл урмасдан олдин «Чортоқ» курорти матлубот жамиятига қарашли «Заргарлик» дўконига куппа-кундузи бостириб киришган. Эҳтимол дўкондаги биргина аёл — сотувчи Тилобат Ражабованинг ожизлигига умид қилишгандир. Тилобат уларни хўшмуомалалик билан кутиб олади. Лекин улардан бири сотувчига тўппонча ўқталиб, ўшқиради.

— Кўтар қўлинг... Қимирлама... Отиб ташлайман...

У ростдан ҳам отарди.



Аёл қўлини кўтарди. Кўтардию зарб билан қуролли босқинчининг пешонасига мушт туширди. Зўравон полга ағанади. Тилобат оёғи остидаги сигнал тугмасини босди. Омади юришмаган жинийтчилар «Запорожец» уловига ўтириб, жуфтакни ростлаб қолишади.

Бу жасорат эмасми? Менинг назаримда Ҳошимжон Исоқов, Тилобат Ражабова каби доворак фуқароларимизнинг қахрамонликларига вазирилик, вилоят бошқармалари музейларидан алоҳида жой ажратилиши керак.

Мен эса Ҳошимбой Исоқовга Наманган вилояти ИИБ ходимларининг чуқур миннатдорчилигини етказаман.

Неъматжон МАМАЖОНОВ.

Суратларда: қахрамонимиз Ҳошимжон ИСОҚОВ; ИИБ бошлиғининг ўринбослари милиция майори А. Турдиев ёш ходимлар билан хизмат тажрибаларини ўртоқлашмоқда.



БОСҚИНЧИ

20 мартга ўтар кечаси Набижон маст ҳолда Қайрма қишлоғида яшовчи 86 ёшли Ибодат Мўминованинг уйига бостириб кирди. Нияти қари бир бечора кампирни тунаш эди.

Бир қўлида дастқалла, бирида пичоқ билан ҳовлига қадам қўйди. Деразани синдириб, энди ичкарига кирмоқчи бўлиб турган эди, кампир уйқусида ҳам ҳушёр экан, уйғониб ташқарига чиқди. Уни кўрган Набижон кўрқиб кетмади. Қайтага қўлида олиб келган қуролларини кўрсатиб ўдағайлай кетди:

— Мана бунини кўраёйсизми! Жонингиздан умидингиз бўлса, пулдан чўзинг, пулдан! Кампир рози бўлавермагач, Набижон қўлидаги пичоқни ўқталиб, яқинлаша бошлади. Аёлга ҳам жон ширин, ўзини ҳимоя қилиши керак. Уни итариб юборган эди, пичоқ қўлини тилиб кетди. Набижоннинг жаҳли кўзиди. Баттароқ ўдағайлай бошлади. Кўрқиб кетган кампир уйдан 200 сўм чиқариб берди.

Қува тумани халқ суди босқинчининг олти йил муддатга қамоқ жазосига ҳукм қилди.

Х. ТУРДИАЛИЕВ.

ЯХШИКИ БУРУН БОР

Ҳозир ҳар қадамда отиб кетибди, сўйиб кетибди, фалончининг уйини ўмариб кетишибди, писмадончини ўлдириб кетганмиш, деган гапларни эшитиб, қулоқларимиз шу қадар ўрганиб қолдик, унга беихтиёр одатий ҳол сифатида қарайдиган бўлдик. Аксариятимиз бунинг учун милиция ходимини айблаймиз. Лекин ҳеч биримиз: «Мен ҳам айбдорман» — деб ўйламаймиз. Аксича иш тутиб, ўзимиз сўвдан доимо қуруқ чиқишни истаймиз. Гоҳо ўйлаб қоламиз. Сиз ёки менинг фарзандим номақбул йўлга кирса, кимнидир тунаса ёки ўлдирса, ўшанда ҳам милицияни айбдор санаймизми?

Нима, милиция ишламаяптими? Ишлаяпти. Мана мисол. Тошкент тумани ИИБ балогатга етмаганлар иши бўйича бўлиммаси бошлиғи милиция капитани Шухратилла Абзалов, участка вакиллари — милиция катта лейтенанти Ҳусниддин Қодиров, милиция майори Раҳмат Асадов, милиция лейтенанти Умарали Абдуазизов, туман ижроқўми қошидаги воёга етмаганлар иши билан шуғулланувчи комиссия котиби Абдулла Исоқов, шифокор М. Мираҳмедовлар маҳалларда, мактабларда ва бошқа кўплаб жамоат жойларида бўлишиб, бугунги кунда жиноятлар сони ошиб бораётганлиги, уларнинг олдини олиш борасида ИИБ томонидан қилинаётган ишлар хусусида суҳбатлар ўтказишарди.

Бироқ уларнинг ҳеч бири кечаю кундуз ҳар бир

ўсмирнинг ҳар бир ҳаракатини кузата олмайди. Бу вазифани уддаловчи ота-оналар бор. Уларнинг эса ишлари «қаддан зиёд» кўпки, кино, театрга боришга, меҳмондорчилигу дам олишга доимо вақт топадилар. Бироқ ўз жигарининг тарбияси учун жиллақурса кунига бир соат вақт ажрата олмайдилар. Йўқса, ушбу ўғирликлар содир бўлармиди? Қанақа дейсизми? Мана эшитинг.

«Ильич» жамоа хўжалиги ҳудудида жойлашган 18-ўрта мактабнинг 11-синфда ўқийдиган икки дўст Лутфулла Убайдуллаев, Саидакмал Ҳожиевлар ўтган йилнинг 23 октябр кўни Саидакмалнинг қўшини — Олимжон Ашуровниқидан кийим-кечаклар, бир пицца ароқ, ёзув машинкаси ва пичоқни ўмариб кетишди.

Шу жамоа хўжалигининг аъзоси, Янгибод кўчасидаги 18-ўрта истиқомат қилувчи Мухтор Иноятов, Собир Раҳимов туманидаги 119-ўрта мактабнинг 10-синф ўқувчиси Бахтиёр Абдуллаев ҳамда 20-ўрта мактабнинг 11-синф ўқувчиси Феруз Назаровлар билан «ҳамкорлик»да 27 август кўни Ф. Назаровнинг ёш қўшини — Абдуқодир Файзуллаевнинг 4 бош қўйини ўғирлашди.

Шу воқеаларни эшитганимда, доимо бир сўз кўнглимдан ўтаверади. «Яхши ҳамки, икки кўзнинг ўртасида бурун бор, йўқса улар бир-бирини еб қўйишармиди?»

М. ҲАКИМОВ.

«БУГУНГИ КУН МУАММОЛАРИ»

Рўзномамизнинг 1992 йил 4 январь сонидан А. Расулов «Бугунги кун муаммолари» мақоласи билан иштирок этганди. Унда ДАНнинг хизмат фаолияти ҳақида мулоҳаза юритилган ва таклифлар билдирилган.

Таҳририятимизга Ўзбекистон Жумҳурияти ИИБ ДАНБ бошлиғи милиция подполковниги Ю. Мақсудхўжаев имзоси билан жавоб хати келди.

Мақола Ўзбекистон ички ишлар вазирилик дават автомобиль назорияти бошқармасида ўрганиб чиқилди.

Муаллиф кўтариб чиққан мавзу ҳақиқатдан ҳам ҳозирги кун муаммоларидан бири. Мақолада киритилган таклиф, яъни ҳар бир чорраҳада ДАН ходими бўлиши ва уларга шароит яратилиши, албатта, яхши фикр. Лекин шахримиз кўчаларининг ҳар бир чорраҳасига ДАН ходими қўйилишининг, афсуски, имконияти йўқ.

Ҳозирги кунда ДАН инспекторларига кўчаларни бериштириш йўлга қўйилган. Шу кўчалардаги чорраҳалар улар назоратидадир. Светофорлар ишламай қолганда, инспекторлар ҳаракатни тартибга солишлари мумкин.

Кейинги таклиф — йўловчилар тўғрисида бўлган. Бунга жавобан шунини айтиш лозимки, қондабузар йўловчиларга нисбатан жавобгарлигини кучайтириш яқинда бўлиб ўтган Ўзбекистон Олий Кенгаши сессиясида қабул қилинган қонунда ўз аксини топган.

Яна бир таклифда ДАН ходимларининг олий ўқув юрталари, мактаблар ва кор-

хоналарда машгулотлар ўтказиши назарда тутилган. Ҳар бир ДАН ходимига мактаб ва автокорхоналар бириктирилган. Бу жойларда улар мунтазам равишда суҳбатлар ўтказадилар. Йирик корхоналар ва олий ўқув юрталарида махсус агитжамоалар бу ишларни амалга оширишлари шарт. Ўзбекистон ойнажаҳони орқали эса мунтазам равишда йўл ҳаракати хавфсизлиги муаммолари ёритиб турилади. Муаллиф «Оқраб»дан Сурхондарё вилояти ҳудудида ўтиш йўлидаги мавжуд камчиликларини тўғри таъкидлаган. 1991 йил ДАН томонидан ўтказилган текширишда бу йўлларга жавобгар мутасадди раҳбарлар мазкур нуқсонларни бартараф этиш борасида тегишли топириқлар олганлар.

БИЗГА ЖАВОБ БERAДИЛАР

ВИЖДОНИНГИЗ НЕЧА ПУЛ, МУДИР?

Аслида қўлга қалам олиш истагим йўқ эди. Юнус-ободдаги 16-маҳаллада жойлашган 56-дўкон сотувчисидан тортиб то мудиригача озиқ-овқат маҳсулотларини тарқатишда ёш болаларни алдаганлари етмагандек, ёши бир жойга бориб қолган каминани ҳам доғламоқчи бўлганлари учун тек турулмадим. Мен эртаю кеч хизматдаман. 13, 14, 15, 17-маҳаллалар дўконларида гўшт, пахта мойи, ароқ сингари озиқ-овқат маҳсулотлари турибди. Лекин 56-дўконда эса йўқ ёки бўлганда ҳам «етмади», «қолмади» деган баҳона билан кейинги ойларга сурилаваради? Нима учун аҳоли сонига қараб, улардан етарлича берилмайди?

Одам бор жойга меҳмон келади, кетади. Биринчиси ёқтиради, бири ёқтирмайди. Камина янги йилни кутиш учун минерал сув, ўзимизга тегишли «градусли» ичимликдан олиб қўйиш мақсадида декабрь ойи камида 8 маротаба учрашдим шу 46-дўкондаги сотувчиларга. Ҳаммаси худди ўргатилган тўтидек, «йўқ, ҳали келмади»дан нари ўтишмади. 30, 31 декабрь кунлари эса шахсан мудир Акрам Мирзаев шундай деди:

— Бу ойда келмади. Кеча келиши керак эди, кеча ҳам, бугун ҳам негадир йўқ. Уйга қайтишимда Бозорбой исмли қўшним:

— Сизни лақиллатишибди. 27 ёки 28 декабрь кунини шахсан ўзим бориб, олиб келдим. — деди.

Қайтиб бордим. — Йўқ, бекор гап, — деди мудир. — Шу бугун ҳам келмаса, янги йилга ўтгач, албатта, қўшиб берамиз. Бир ҳафта ўтиб, йўл-йўлакай яна кирдим.

— Эски йил охирида келди. Лекин ўзингиз келиб олмабсиз-да, — деди мўйловли сотувчи йигит.

— Ҳа, тўғри, сиз олмасангиз, уйингизга обориб беролмаймиз-ку, — дея қўшинди сотувчи аёл.

— «Шикоят ва таклифлар» дафтарини берсангиз, — сўрадим сотувчи аёлдан.

— Нима қиласиз? — Таклифларимни баён қилмоқчиман.

— Унақа дафтар тўғатилган.

Шу пайт дўкон мудир Акрам Мирзаев келиб қолди.

— Айтдимку сизга, куйиб қолмайсиз, албатта, қўшиб берамиз деб, — деди мудир ўзича асабийлашиб.

8-15 январь кунлари оила аъзоларим билан томошада бўлиб қайтдим. 18 январь кунини дўкон ичида участка инспектори ва маҳалла комсомол аъзоси турганли-

гини кўриб кирдим. Кўргазмага бир шиша ароқ, тепасига 35 сўм нархи ёзиб қўйишибди. Мудир ҳам шу ерда экан, мен ундан декабрь ойи учун эски нархда бериладими, деб сўрадим.

— Ҳа, эски нархда. — Унда менга ҳам беринглар.

— Ўз кунингиз қачон? — сўради у.

— Эски йилда чоршанба, янги йилдан эса пайшанба кунини.

— Уша кунини келинг, оласиз, — деди мудир.

— Майли бу ойиники туратурсин, лекин декабрь ойиникини беринг, — дедим мен.

Мудир рози бўлиб, сотувчи аёлга кўрсатма берди. Сотувчи аёл 3 шиша ароқ учун янги нархни чўтга урди. Мен норозилик билдирдим. Сотувчи ҳайрон бўлиб мудирга қаради.

— Эски нархда ўтган жума, яъни 9 январь кунини бериб тугатганмиз, ўзингиз келиб олмасангиз, уйингизга элтиб беришимиз керакми? — деди мудир қизишиб (ўша кунлари оила билан томошада бўлганимизни юқорида айтгандим).

— Ҳа, тўғри, — мудирнинг гапини тасдиқлади участка инспектори 16-маҳаллада яшовчи милиция капитани. — бизнинг домдаги кўп кишилар олишолмади, 15 январдан кейин куйиб кетди.

Қани энди ўзингиз айтинг, ҳурматли газетхон! Ўз ҳақ-ҳуқуқимизни бундай виждонсизлардан ким ҳимоя қилади? Киров тумани ИИБ ИЖК ходимларининг қингирларини тўғри-лаб қўйишга кучлари етадими-йўқми?

Ушбу дўконнинг иш юртиши қай ҳолда эканлигини билиш учун бир неча кишига мурожаат қилдим.

А. Темиров (16-маҳалла, 11-уй, 31-хонадон): — Январда ҳеч нарса ололмадик. Дўкон бўм-бўш.

М. Ибрагимов (16-маҳалла, 11-уй, 89-хонадон): — Декабр ойида гуруч, ароқдан бўлак ҳеч нарса беришмади. Ўз кунимизда йўқ эди.

Ф. Яраҳмедов (16-маҳалла, 11-уй, 51-хонадон, 2-гурӯҳ ногирони): — Бошқа дўконларда ҳамма нарса кўргазмага қўйишганини кўриб, ҳавасимиз келади. Бизнинг дўконда эса ҳеч вақо йўқ.

С. Абидов (16-маҳалла, 11-уй, 49-хонадон): — Биз ҳам дўкон хизматидан норозимиз.

Кўриниб турибдики, каминани ёлғиз эмас. Арз-додимиз қулоғига пахта тикилмаган тегишли мутасаддиларга етиб борармикан?!

Х. Мўйдинов, жамоатчи муҳбир.

ИСТАК

КўП НУСХАДА ЧОП ЭТИЛСА

Мен ўқитувчиман. Болалар ўртасида жиноятчиликнинг ўсишидан, йўлов фожияларининг кўп-лаб юз беришидан ташвишланаман. Менмича, ёшларнинг қонун-қондаларини яхши билмаслиги салбий ҳодисалар бош сабабчисидир.

Хўш, нима қилмоқ керак?! Мана, ўзбек тилимизга давлат мақоми берилганига ҳам учинчи йил кетяпти. Бироқ жиноят

мажмуасининг, йўл ҳаракати қондаларига оид рисо-лаларнинг ўзбекчасини ҳануз учратмадим. Балки бу муҳим қўлланмалар она тилимизда чиққандир. Лекин жуда кам нусхада. Мен истардимки, ёшларимиз учун сув-ҳаводай зарур бўлган ушбу ҳуқуқий адабиётлар кўп нусхада чоп этилса.


Ҳазратқул ҚУДРАТОВ, ўқитувчи.



ТАНИШМОҚЧИМАН

Мен алоқа бўлимида ишлайман. Ешим 18 да. Милицияда ишловчиларга жуда-жуда ҳавасим келади. Умр йўлдошимни айнан шу касбда ишлашини истардим. Шу сабабли рўзномангиз орқали милиция ходими билан танишиш истагини билдирмоқчиман.

ГУЛЧЕХРА, Гулчехранинг манзилгоҳи муҳарририятда. Танишиш истагини билдирувчилардан муҳарририятимизга мурожаат қилишларини сўраймиз.



Ойнави жазонда

СЕШАНБА, 11. II.

УзТВ I

17.55 Кўрсатувлар тартиби. 18.00 «Ўзбекистон» ахбороти. 18.10 «Ёшлик» студияси кўрсатади. 19.00 «Ўзбекистон» ахбороти. 19.15 «Суянчим — шеърят». 19.45 «Ўзбектелефильм» премьераси. 19.55 «Спортлото». 20.00 «Ўзбекистон» ахбороти. 20.10 «Чашма». Халқ ижодиёти. 21.00 «Ўзбекистон» ахбороти. 21.20 «Халқ ноиб мишбери». 21.35 «Генерал Раҳимов». Бадий фильм. 23.30 Эртанги кўрсатувлар тартиби.

УзТВ II ҚУВ КўРСАТУВЛАРИ

10.30 Информатика. Такрорланиш жараёнлари. 11.00 Фильм-концерт. 11.30 Тасвирий санъат.

«ТОШКЕНТ» СТУДИЯСИ КўРСАТАДИ

18.30 Телефильмлар. 19.10 «Қизиқарли учрашувлар». 20.30 «Пульс». 20.40 Тошкент ҳокимияти раҳбарлари билан учрашув. 22.00 «Пульс». 22.10 «Кинонигоҳ».

«ОРБИТА IV» [МОСКВА]

6.00 «Тонг». 8.35 Мультфильм. 8.50 XVI қишки олимпиада ўйинлари. 10.10 Телеспектакль. 11.40 Мультфильм. 12.00 Янгиликлар. 12.20 Концерт. 13.15 «Дельта». Телефильм премьераси. 14.00 Владимир шаҳрида рақс байрами. 1-қисм.

15.00 Янгиликлар. 15.20 Ритмик гимнастика. 15.50 «Савдо растаси». 16.05 «Ён дафтар». 16.10 «Бу сизга керакми?». 16.20 «Ольга Иванова сабоқлари». 16.35 XVI қишки олимпиада ўйинлари. 17.10 Мультфильм. 17.20 «Башорат». 17.45 Мультфильм.

18.00 Янгиликлар. 18.20 «Дело». 18.40 Руки премьераси. 19.15 Режиссёр Г. Даниеля фильмлари. «Афоня». 20.45 Хайрли тун, кичкинтойлар. 21.00 Янгиликлар. 21.25 XVI қишки олимпиада ўйинлари. 23.00 «Телевизион танишув». Урмас Отт Леонид Кравчук билан суҳбатлашади. 23.55 «Навбат сизга, артист».

«ДУБЛЬ IV» [МОСКВА]

17.15 «Россия билан юзмаюз». 17.30 Автошоу. 18.00 Хабарлар. 18.20 Кулгули воқеалар. 18.55 Телевизион ахборот тижорат кўрсатуви. 19.15 «Ҳар кун байрам». 19.30 Жамоатчилик фикри. 19.45 Қишки олимпиада ўйинлари. 20.45 «Кўзгу» ахборот-аналитик кўрсатуви. 21.25 Олимпиада кундалиги. 22.00 Хабарлар. 22.25 Қишки олимпиада ўйинлари. 23.55 «Ишбилармон чопар». Иқтисодий хабарнома. 00.10 Ҳужжатли видеофильм.

ЧОРШАНБА, 12. II.

УзТВ I

8.00 «Ўзбекистон» ахбороти. 8.20 «Санъат усталари». 9.10 «Инглиз карабинидан урта гильза». Бадий фильм. 10.35 «Ёшлик» студияси.

17.55 Кўрсатувлар тартиби. 18.00 «Ўзбекистон» ахбороти. 18.10 Мультфильм. 18.30 Болалар учун. «Кувноқлар даврасида». 19.00 «Ўзбекистон» ахбороти. 19.15 Зулфия Мўминова. «Орагимда оқар дарёлар». 19.55 Тижорат хабарлари. 20.00 «Ўзбекистон» ахбороти. 20.10 Сийсий мулоқотлар. 20.40 Ғижоак навалари. 21.00 «Ўзбекистон» ахбороти. 21.20 Концерт. 22.20 «Довондаги олишув». Бадий фильм. 23.45 Эртанги кўрсатувлар тартиби.

УзТВ II «ТОШКЕНТ» СТУДИЯСИ КўРСАТАДИ

18.30 «Уолт Дисней таништиради...». 19.20 Болалар учун фильм. 20.00 «Спринт». 20.20 «Нажот соҳили». Бадий фильм. 22.30 «02» тўлқинида. 22.45 «Эсдалик учун дастхат». Игорь Корнелюк.

«ОРБИТА IV»

6.00 «Тонг». 8.35 Мультфильмлар. 9.10 XVI қишки олимпиада ўйинлари. 10.30 «Чемпионлар билан биргаликда». 10.45 Болалар учун фильм. 11.50 Халқ куйлари. 12.00 Янгиликлар. 12.20 «Ви-

Маълумки автохалокатларда азият чекканларнинг аксарияти болалардир. Афсуски улар йўл ҳаракати қондаларини билмаганларидан кўп ҳолларда жабрланиб қолмоқдалар.

Задарё туманидаги 15-урта мактабда «Автохалокаткорлар» жамияти иш бошлаган. Унинг аъзолари бўлган ўқитувчилар болаларга йўл ҳаракати қондаларини кўргазмали қуроллар орқали етказишга ҳаракат қилмоқдалар.

Суратларда: ўқитувчи Р. Сирожиддинова ва Н. Эсонова (пастда)лар йўл ҳаракати қондаларини ўқувчиларга тушунтирмоқдалар.

Н. МАМАЖОНОВ олган суратлар.

лоятдан туриб қарғанда». «Воронеж тупроғи». 13.10 «Ухшаш дунёлар». 13.55 «Қандай қилиб муваффақиятга эришиш мумкин?». 14.10 «Ён дафтар». 14.15 «Телемикст».

15.00 Янгиликлар. 15.20 Мультфильм. 15.25 О. Воронец куйлайди. 15.45 Телевизион бадий фильм. 1-серия — «Турмуш қурмаган хотин». 17.05 Мультфильм. 17.10 «Ислоҳот: ҳафтама-ҳафта». 17.50 Телефильм. 18.00 Янгиликлар. 18.20 «...16 ёшгача ва ундан катталар». 19.00 Телефильм. 19.30 М. Суворова ижросида кўшиқлар. 19.55 Қисқа метражли телевизион бадий фильм. 20.45 Хайрли тун, кичкинтойлар.

21.00 Янгиликлар. 21.25 XVI қишки олимпиада ўйинлари. 22.10 Мусиқий башорат. XVI қишки олимпиада ўйинлари

22.40 Фигуралар учини. Жуфт бўлиб учини. 23.35 Конькида югуриш спорти. 1500 м. 00.10 Хоккей. МДХ—Чехо-Словакия терма командалари.

ТЕЛТОМОШАБИНЛАР ДИҚҚАТИГА

Профилактика муносабати билан чоршанба, 12 февраль кунини «Дубль IV» кўрсатувлари соат 17.05 дан бошлаб намоиш этилади.

«ДУБЛЬ IV»

17.05 «Қирралар». Бадий-публицистик кўрсатув. 17.45 Телевизион ахборот тижорат кўрсатуви. 18.00 Хабарлар. 18.25 «Мансаб алифбоси». 18.40 Россиянинг парламент хабарномаси. 18.55 «Инсон маданияти». 19.35 «Мени юқорига узатишди». 20.20 Қишки олимпиада ўйинлари. 22.00 Хабарлар. 22.20 «Анонс». 22.25 Олимпиада кундалиги. 23.00 «Ҳар кун байрам». 23.10 «Петербург афсонаси». 1-кўрсатув. 24.00 «Ҳа, президент. Йўқ, президент». 00.55 Жаз клуб.

«Тошкентдан гапирамиз ва кўрсатамиз» ҳафталигини олинди.

Муҳаррир Зокир ОТАЕВ.

МАНЗИЛГОҲИМИЗ: 700029, Тошкент, Лопатин кўчаси, 1.

Ўзбекистон Жумҳурияти «Шарқ» нашриёт-матбаачилик концерни босмаханаси. 700083, Тошкент, Ленинград кўчаси, 32.

Телефонлар: муҳаррир — 54-37-91, муҳаррир ўринбосари — 39-77-23, муҳбирлар бўлими — 59-26-56, 59-20-92, умумий бўлим — 59-21-21.

«ПОСТДА» — («НА ПОСТУ») Орган коллегии МВД Республики Узбекистан 43920 нусхада чоп этилди.